

**ORDENANZA MUNICIPAL REGULADORA DA INSTALACIÓN DE TERRAZAS DE HOSTELERÍA NA VÍA PÚBLICA OU DOMINIO PÚBLICO****TÍTULO PRELIMINAR****ARTIGO 1.—FUNDAMENTO**

En virtude da facultade conferida na Lei 7/1985, de 2 de abril, Reguladora das Bases de Réxime Local e na Lei 5/997, de 22 de xullo de Administración Local de Galicia, o Concello de Ponteareas aproba a presente **ORDENANZA MUNICIPAL REGULADORA DA INSTALACIÓN DE TERRAZAS DE HOSTELERÍA NA VÍA PÚBLICA**.

Coa presente Ordenanza, preténdese regular a distribución do espazo peatonal público, e adecuar a estética das instalacións ao entorno da súa ubicación, pretendéndose dotar de atractivo singular o espazo urbano da vila de Ponteareas e mellorar a calidade da vila, non só para o visitante, senón tamén para a poboación local.

**ARTIGO 2.—OBXETO E AMBITO DE APLICACIÓN**

1.—A ubicación do mobiliario e a instalación de toldos e outros elementos no solo ou voo das vías públicas no termo municipal de Ponteareas, estará sometido ao cumprimento do disposto nesta Ordenanza.

2.—A presente Ordenanza ten por obxecto establecer o réxime xurídico aplicable á instalación e funcionamento das terrazas de veladores que ocupan a vía pública ou dominio público.

3.—Aos efectos desta Ordenanza, se definen as terrazas de veladores como as instalacións formadas por mesas, cadeiras, sombrillas, parásoles, toldos, xardineiras ou outros elementos de mobiliario, de carácter desmontable, que desenvolven a súa actividade de forma anexa ou accesoria a un establecemento principal de bar, cafetería, restaurante, bar-restaurante, café-bar, taberna, chocolatería, xeadaría, salón de té, bares e restaurantes de hoteis, pubs, quioscos de tempada ou permanentes e outros establecementos similares.

As terrazas de veladores só poderán realizar a mesma actividade e expender os mesmos produtos que o establecemento do que dependan.

**ARTIGO 3.—SOMETEMENTO Á LICENZA**

Estará suxeita a previa licenza municipal, a instalación de terrazas de veladores que ocupen vía pública ou solo público, nos termos da presente ordenanza.

**ARTIGO 4.—CARENCIA DE DEREITO PREEEXISTENTE**

A mera concurrencia dos requisitos necesarios para que a ocupación poida ser autorizada, non outorga dereito algúns á obtención da licenza. O Concello, considerando todas as circunstancias reais ou previsibles, terá plena liberdade para conceder ou denegar a licenza, facendo prevalecer o interese xeral sobre o particular.

**TÍTULO PRIMEIRO  
DISPOSICIONES XERAIS****ARTIGO 5.—HORARIO DE PECHES DAS TERRAZAS**

1.—O horario de peche ou cese no exercicio da actividade de terraza será:

- De domingo a xoves, máximo ata a 01:30 da madrugada.
- Noites que van do venres a sábado e do sábado a domingo, así como as noites anteriores aos festivos e a do festivo, ata as 02:30 da madrugada.



2.—Unha vez cumplido o horario sinalado no apartado 1 deste ARTIGO, o titular da terraza deberá proceder nos térmos do ARTIGO 6 da presente Ordenanza.

3.—No caso de que a colocación das terrazas poida interferir no uso da carga e descarga, o Concello poderá restrinxir o seu horario para adecualo ao desta.

4.—O Concello ordeará a retirada da vía pública do mobiliario que componen as terrazas, cando existan circunstancias que así o requiran, como por exemplo celebración de actividades culturais, relixiosas, civís ou sociais, ou ben por reforma da urbanización, regulamentacións de conxunto, regulación do tráfico e transito ou, en definitiva, porque houbesen variado as circunstancias que motivaron a concesión, sen que exista dereito a indemnización algúns en tales supostos.

### ARTIGO 6.—RETIRADA DE MOBILIARIO DA VÍA PÚBLICA

1.—Ao rematar o horario de funcionamento da terraza, e nun prazo máximo de 30 minutos, o titular da instalación deberá proceder ao retiro da vía pública de todo o mobiliario, agás o toldo cando estea autorizado; debendo quedar recollido e apilado todo o mobiliario dentro do establecemento ou, no seu defecto, no lugar delimitado que se lle indique pola policía local ocupando o menor espacio posible, durante o tempo que o mesmo permaneza pechado ao público.

2.—Os toldos daquelas terrazas autorizadas para un período de funcionamento estacional, deberán quedar retirados da vía pública unha vez concluído este período.

### ARTIGO 7.—UBICACIÓN E DIMENSIÓNS DAS TERRAZAS

1.—A colocación, situación e dimensións do mobiliario e dos toldos, non romperán a armonía do paisaxe urbano tradicional ou desfigurarán súa visión. Asemesmo, non dificultarán o acceso, dunha maneira cómoda e segura, dos posibles usuarios ás dependencias interiores e as propias terrazas dos locais, que deberá ser practicable para persoas con movilidade reducida. Tampouco dificultarán o acceso a edificios de uso privado onde se atope instalado o establecemento, nin a circulación peatonal en xeral.

2.—Os veladores ou instalacións análogas non poderán exceder da altura máxima de 3 metros, e deberán de adecuarse ao ornato da zona na que se vaian a ubicar, reservándose a administración a facultade de non autorizar veladores que non se adecúen ao entorno.

3.—As terrazas que pretendan instalarse na vía pública, deberán cumplir as condicións seguintes:

- No suposto de que a terraza se sitúe na beirarrúa, a anchura da beirarrúa será igual ou superior a 3 metros, debendo deixarse un espazo libre de transito peatonal, como mínimo, de 1,30 metros.
- As terrazas que se ubiquen en plazas, rúas peatonais e terreos de esparcemento público, a ubicación determinarase atendendo ás circunstancias que concurran en cada caso, tales como a densidade de establecementos existentes na vía pública, características desta, etc., cumprindo en todo caso as dimensións autorizadas polo Concello.

Ademáis estas terrazas, terán a obriga de deixar sempre libre unha vía de evacuación e de emergencia dun ancho mínimo de 3 metros.

- A lonxitude da terraza non poderá exceder o frente da fachada do edificio propio. Para maior lonxitude deberá aportar autorización do propietario da vivenda e/ou da comunidade de propietarios colindante correspondente.

No caso de que existiran duas terrazas que tivesen en común o mesmo edificio colindante, súa extensión repartírase por partes iguais entre elas.

As terrazas contiguas a outras deberán deixar un espazo libre mínimo de 2 metros entre cada unha delas, a repartir por partes iguais

- Nas beirarrúas de máis de 3 metros, deberá deixarse un espazo libre de transito peatonal de, como mínimo, de 1,50 metros.
- Algunha das fachadas do establecemento, deberán dar frente ao espazo proxectado para a instalación da terraza de veladores.



- f) En ningún caso as terrazas poderán situarse a unha distancia inferior a 1,50 metros respecto dos bancos que formen parte do mobiliario urbano existente na vía na que se pretendan instalar.
- 4.—Aínda cando un espazo reúna todos os requisitos para a colocación da terraza, non poderá autorizarse si a súa instalación dificultara de xeito notable o tránsito peatonal, pola súa especial intensidade, áinda que só sexa en determinadas horas.
- 5.—Cando a concentración de terrazas sobre unha plaza ou espacio determinado poida supoñer a alteración do seu destino natural, as solicitudes para instalacións ou renovacións correspondentes, serán resoltas conciuntamente, establecéndose as condicións ou restriccións que se estimen convintes.

### ARTIGO 8. INSTALACIÓN DE TERRAZAS EN CALZADAS, SOBRE ZOAS DE APARCADOIRO:

Excepcionalmente poderá autorizarse a instalación de terrazas en calzadas, sobre zoas de aparcadoiros. Para a autorización de este tipo de terrazas en calzadas, o Concello recabarán previamente informe do Servizo de Policía Local e, de ser este favorable, poderá autorizarse a instalación, que habrá de respetar o disposto na presente ordenanza. O Servizo de Policía Local, en atención á ubicación especial da terraza, poderá establecer as condicións que estime oportuno, por razóns de tráfico. Asimismo o servizo da Policía Local poderá propoñer solucións alternativas.

A instalación de este tipo de terrazas en calzadas habrá de respetar os seguintes requisitos:

- As terrazas de veladores situadas na calzada deberán poñerse sobre unha tarima adosada e á mesma altura da beirarrúa e sobre a zona de aparcamento contigua, sen que, con carácter xeral, poidan exceder de 2,10 metros de anchura. Nestos supostos, co obxecto de que non se poña en perigo a seguridade e integridade dos usuarios, as terrazas serán debidamente delimitadas mediante vallas metálicas, celosías, xardineiras ou outros elementos análogos.
- Non poderán colocarse terrazas ou veladores en calzadas sen a instalación de tarimas e proteccións laterais que acoten o recinto, por motivos de seguridade vial.
- As tarimas deberán instalarse ó mesmo nivel da beirarrúa, garantindo en todo momento a accesibilidade, a circulación vial e a seguridade peonil.
- As proteccións laterais deberán contar con dispositivos para a súa adecuada señalización en horario nocturno, conforme ás especificacións establecidas na normativa de seguridade vial.
- En cualquier caso, o desenvolvemento máximo e as condicións de instalación de terrazas en calzadas se determinará en cada suposto en función das características concretas da calzada a ocupar e garantido en todo momento a circulación vial e a seguridade peonil con especial cumprimento da normativa reguladora da accesibilidade das vías e espazos públicos.
- Os espazos reservados a estacionamiento de vehículos podrán ser ampliados por razóns de seguridade ciudiana ou seguridade vial, previa instrucción do expediente e a través de resolución motivada, que podrá incluso revocar a autorización outorgada.
- A anchura da terraza non poderá exceder, con carácter xeral, de 2,10 metros. Non obstante, en supostos excepcionais e previo informe favorable do Servicio da Policía Local, a anchura da terraza poderá exceder dos 2,10 metros citados tendo en conta as dimensións da zoa de aparcadoiro, sen que en ningún caso a anchura da terraza poida exceder nin da líne de aparcadoiro, nin do ancho da zona de estacionamiento de vehículos.
- Os interesados en estos tipos de terraza también deberán presentar unha memoria con planos sobre a instalación e a terraza deberá poder retirarse con facilidade e en ningún caso poderá estar anclada na calzada. A movilidade de estos elementos tamén se explica pola necesidade de que se poidan retirar de forma doada e provisional en caso de emergencias ou actos festivos que precisen a ocupación da vía pública.

### ARTIGO 9.—PRESCRIPCIONES PARA A INSTALACIÓN DO MOBILIARIO.

Os elementos do mobiliario da terraza que se instalen, estarán suxeitos ás seguintes prescripcións:

- 1.—Non poderán colocarse en solo público, mobiliario, elementos decorativos ou revestimentos de solos que non estean incluidos expresamente na licenza.



2.—Os toldos deberán suxetarse mediante sistemas que garanten suficientemente a seguridade.

Entre as obrigas do titular da licencia figura a de manter en perfecto estado a acera e a de reparar os danos que produzan nela ou no dominio público.

No seu caso, os solicitantes deberán aportar garantía para a reposición do solo público ao estado anterior á instalación. O importe desta garantía se determinará polos técnicos municipais, sen perxuizo da obriga do titular do establecemento de abonar o custe total de reconstrucción ou reparación.

3.—Entre as obrigas do titular da licenza están as seguintes: colocar as mesas, cadeiras e demás mobiliario de tal xeito que non obstaculicen as entradas das vivendas, portais ou fincas, bocas de rego, paradas de autobús, cabinas de teléfono, cruces de pasos de peóns, vados, prazas de minusválidos, buzóns de correos e calquera outro espazo que sexa de interese público.

4.—Cando a terraza dispoña de instalación eléctrica de alumeados, a mesma deberá reunir as condicións esixidas pola lexislación vixente para instalacións en locais mollados. Os conductores quedarán fora do alcance de cualquier persoa, non podendo discurrir polas beirrarúas, nin utilizar o arbolado ou mobiliario urbano como soporte dos mesmos.

Se o interesado pretende realizar instalacións eléctricas, deberá presentar xunto coa solicitude certificado de técnico competente ou electricista homologado no que se acredite que a instalación a executar se adecúa ao Regulamento electrotécnico de Baixa tensión e demás normativa vixente de aplicación. Asemezmo e previamente á súa posta en funcionamento, o interesado deberá presentar certificado de técnico competente ou electricista homologado no que acredite que a instalación xa executada se adecúa ao Regulamento electrotécnico de Baixa tensión e demás normativa vixente de aplicación.

Dita instalación deberá ser revisada cada ano por un instalador eléctrico autorizado, que emitirá o correspondente boletín de conformidade.

5.—Prohibíbase a instalación de máquinas expendedoras automáticas, recreativas, de xogos de azar, billares, xogos infantís ou cualquier outra de característica análoga.

6.—A utilización dos servizos públicos non se verá obstaculizada, debendo deixarse libres completamente para a súa utilización inmediata, si fora preciso.

7.—As saídas de emerxencia deberán deixarse libres no seu ancho e a un metro a cada lado das mesmas.

8.—Non serán obstaculizadas as paradas de transporte público establecidas, nin os pasos de peatóns, nin prazas de minusválidos.

9.—O Concello esixirá a instalación de sistemas de protección do solo en aquelas terrazas, que polo servizo que prestan e pola súa ubicación, requiran un tratamento especial para preservar o entorno.

10.—A instalación dunha terraza non poderá obstaculizar as labores de carga e descarga dos establecementos colindantes coa terraza, nas zoas habilitadas para elo.

11.—As mesas e cadeiras deberán ter protexidos os extremos das patas con gomas, para evitar a emisión de ruidos ao arrastrar os mesmos sobre a tarima, tanto polos clientes, como no momento de retirar cada día as mesas e cadeiras.

### ARTIGO 10.—PROHIBICIONES E PRESCRIPCIONES ADICIONAIS

1.—Queda absolutamente prohibido o uso de equipos de audio no espazo destinado a terraza. O funcionamento das terrazas non poderá transmitir ao medio ambiente interior e exterior das vivendas e a outros usos residenciais, niveis de ruidos superiores aos máximos establecidos na normativa de aplicación en materia de ruidos.

2.—O titular do establecemento que solicite a instalación da terraza, deberá dispoñer do correspondente seguro de responsabilidade civil actualizado á data da solicitude, para cubrir os posibles riscos que poideran derivarse do funcionamento da mesma.



3.—Os titulares das terrazas deberán manter as instalacións e cada un dos elementos que a componen, espazo e área de influencia, nas debidas condicións de limpeza, seguridade e ornato. A tales efectos, estarán obrigados a dispoñer dos correspondentes elementos de recollida e almacenamento dos resíduos que poidan manchar ese espazo público. Por razóns de estética e hixiene, non se permitirá almacenar productos, materiais ou resíduos propios da actividade xunto as terrazas nin fora da instalación. A limpeza se realizará diariamente.

Enténdese por área de influencia o espazo comprendido entre a fachada ou fachadas e a terraza e, en todo caso, o espazo dun metro medido dende o perímetro exterior da superficie autorizada para a instalación da terraza.

4.—A autorización dunha terraza no suporá, en ningún caso, autorización de barra en festas.

### TÍTULO SEGUNDO DISPOSICIONES EXCEPCIONAIS

#### ARTIGO 11.—INSTALACIÓN DE TERRAZAS EN ESPAZOS LIBRES PRIVADOS ABERTOS AO DE USO PÚBLICO

1.—Si a instalación da terraza prodúcese en solo privado, aberto a un uso público, será preceptiva asemesmo a obtención da correspondiente licenza.

2.—Nestos supostos será de aplicación o réxime xeral previsto na presente Ordenanza.

3.—O outorgamento destas licenzas efectuarase salvo o dereito de propiedade e sen prexuizo de terceiros.

4.—En ningún caso, a instalación deberá dificultar a evacuación dos edificios ou locais onde se instale.

5.—O Concello poderá esixir a instalación de sistemas de protección do solo en aquelas terrazas que polo servizo que prestan e pola súa ubicación requirian un tratamento especial para preservar o entorno.

### TÍTULO TERCEIRO LICENZAS

#### ARTIGO 12.—PROCEDIMENTO DE CONCESIÓN DE LICENZAS

1.—As solicitudes de licenza que se presenten para a nova instalación dunha terraza ou para a modificación dunha licenza xa concedida, acompañaranse da seguinte documentación:

- a) Fotocopia da licenza de actividade do establecemento.
- b) Plano de situación da terraza a escala 1:500.
- c) Croquis a escala 1:100, con indicación de todos os elementos de mobiliario da terraza, así como súa clase, número, dimensións (total superficie m<sup>2</sup> a ocupar) e colocación dos mesmos, debendo quedar todo elo reflexado no croquis.
- d) Documento acreditativo de atoparse ao corrente da póliza de seguros de responsabilidade civil da terraza e de todos seus elementos, así como o derradeiro recibo de pagamento.
- e) Alta no imposto do IAE e fotocopia de pagamento do último recibo (de atoparse obrigado).
- f) Fotografías das fachadas que dean vista ao espazo pretendido para a ubicación da terraza.
- g) Xustificante de ingreso previo da taxa (canda así esté establecido na ordenanza fiscal).

2.—O plazo máximo para resolver e notificar as licenzas e as suas renovacións será de un mes. Transcorrido dito plazo sin que se houbese dictado e notificado resolución expresa, entenderase desestimada a solicitude por silenzo administrativo.

3.—A licenza ou súa renovación se solicitarán coa antelación suficiente que permita o seu otorgamento con anterioridade ao comienzo do período de funcionamento, tendo en conta o plazo máximo para resolver de que dispón a Administración.



4.—A licenza outorgarase mediante acordo adoptado pola Xunta de Goberno Local, previos os informes da Policía Local e do departamento competente, sen prexuízo de que resultare necesaria a emisión de cualquier outro informe.

5.—En ningún caso se podrá outorga-la autorización a establecementos que carezan de licenza de apertura.A solicitude de autorización por quen careza de licenza de actividade poderá considerarse como proba indiciaria da existencia dunha actividade sen licenza de apertura,podendo dar lugar á instrucción do correspondente expediente para regulariza-la situación así detectada.

6.—Os titulares das licenzas de terrazas quedarán obrigados a colocar en sitio visible,mediante un marco axeitato ou funda de plástico o permiso correspondente para que poida ser visto e consultado pola Policía Local ou inspector dende a rúa,sen necesidade de esixir a súa exhibición.A autorización deberá estar adherida a porta ou escaparate do establecemento.

### **ARTIGO 13.—PERÍODO DE FUNCIONAMENTO E VIXENCIA DAS LICENZAS.**

1.—A licenza poderá ser solicitada para algún dos seguintes periodos de funcionamento:

- Estacional: mínimo 3 meses.
- Anual: Ano natural.

2.—A vixencia das licenzas que se concedan para instalacións en solo público municipal, corresponderase exclusivamente co periodo de funcionamento autorizado.

3.—Excepcionalmente, en periodos de festas locais as terrazas con autorización poderán solicitar un incremento do 50 % da superficie de ocupación, previo pago da taxa correspondente e cumprimento dos requisitos esixidos na presente ordenanza.

### **ARTIGO 14.—RENOVACIÓN DAS LICENZAS**

1.—As licenzas serán renovables, previa solicitude do interesado e previa comprobación dos requisitos esixidos na presente Ordenanza e pago da correspondente taxa pola ocupación da vía pública.

2.1.—Conxuntamente coa solicitude de renovación deberase aportar a seguinte documentación:

- Fotocopia da licenza de actividade do establecemento.
- Documento acreditativo de atoparse ao corrente da póliza de seguros de responsabilidade civil da terraza.
- Declaración xurada de que non se produxeron modificacións respecto da licenza que se renova.
- Documento de estar ao corrente do pago das obligas tributarias por colocación de terrazas en exercicios anteriores.

2.2.—No suposto de que se pretendan ou se produzcan modificacións, non procederá a renovación da licenza, senón a solicitud dunha nova.

## **TÍTULO CUARTO** **RESTAURACIÓN DA LEGALIDADE E RÉXIME SANCIONADOR**

### **CAPÍTULO PRIMEIRO** **Restauración da Legalidade**

#### **ARTIGO 15.—INSTALACIONES SEN LICENZA**

1. Corresponde á Policía Local velar polo cumprimento da presente Ordenanza, desenvolvendo, a tal efecto, as labores de inspección e control que resulten pertinentes.

2. No suposto de instalacións suxeitas a esta Ordenanza que se instalen sobre terreos de dominio público municipal (ou de dominio privado aberto a un uso público) sen a preceptiva licenza, e con independencia das sancións que poidan imponerse de conformidade co Régime Sancionador, se requerirá



ó presunto infractor que acupara a vía pública ou dominio público sen autorización, excedéndose da mesma ou non axustándose ás condicións fixadas, para que no prazo que se lle indique, que como máximo será de 72 horas, efectúe a retirada dos elementos ou estruturas cos que acupara a vía pública ou dominio público ilegalmente, coa advertencia de que si transcorre o prazo que se lle sinale sen cumplir a orde cursada, se procederá á retirada por execución subsidiaria (por persoal municipal ou contratado ó efecto), a costa do obrigado, que responderá ademais dos danos e perxucios ocasionados.

3. En caso de urxencia inaplazable se podrá acordar a suspensión inmediata das actividades que se realicen sen autorización, así como a retirada inmediata de bens, obxectos, materiais ou productos obxecto da infracción, sen máis requerimento previo ó titular, no caso de atoparse presente o mesmo, que a comunicación "in situ" das circunstancias que o motiven por parte dos axentes actuantes, cando se dé algunha das circunstancias seguintes:

- a) Cando a xuízo dos Servizos Técnicos Municipais ou dos axentes da Policía Local, a actividade supóna un risco obxectivo para a integridade dos peóns ou o tráfico rodado, ou impida manifestamente o seu tránsito normal pola vía pública.
- b) Cando se incumpran as prohibicións expresamente contidas na presente Ordenanza, sendo a actividade susceptible de xerar algún dano ás persoas e bens, ou supóna unha vulneración manifiesta das normas de convivencia e civismo de obrigada observancia.

En tales supostos de urxencia inaplazable, correrán igualmente por conta do titular responsable, os gastos de execución subsidiaria, transporte e almacenaxe, sen perxucio das demás responsabilidades que poideran corresponderlle.

4. Á finalización do prazo de vixencia da autorización, cualquera que sexa a súa causa de extinción, o titular da autorización ten a obriga de deixar expedido e en perfecto estado o dominio público ocupado, con reposición das cousas ó momento anterior a súa instalación. A tal efecto os titulares das autorizaciones disporán dun prazo de tres días para retirar as estruturas e as tarimas. Si no prazo mencionado, contado a partir da finalización da autorización, os elementos ou estruturas non foran retiradas, se procederá en base ó dispuesto na lexislación vixente, á retirada por execución subsidiaria, por persoal municipal ou contratado ó efecto, a costa do obrigado.

### **ARTIGO 16.—EXCESO DE ELEMENTOS OU SUPERFICIE SOBRE O AUTORIZADO**

O disposto no ARTIGO anterior, será aplicable aos elementos de mobiliario da terraza que non estean contemplados na correspondente autorización, ou que excedan dos termos permitidos.

### **ARTIGO 17.—REVOCACIÓN DE LICENZAS**

En cualquier caso, o incumplimiento das condicións da licenza ou autorización, determinará a iniciación do procedemento de resolución ou revocación da mesma, de conformidade co disposto na vixente lexislación.

## **CAPÍTULO SEGUNDO**

### **Réxime Sancionador**

### **ARTIGO 18.—NORMAS DE PROCEDEMENTO**

1.—As accións ou omisións que contraveñan o disposto na presente Ordenanza xenerarán responsabilidade administrativa de conformidade co disposto neste título, sen prexuizo das responsabilidades civís ou penais a que poideran dar lugar.

2.—As actuacións municipais derivadas do incumplimiento das prescripcións establecidas na presente Ordenanza axustaranse ao disposto nas normas de procedemento, impugnación e, en xeral, sobre réximen xurídico sancionador establecidas na lexislación xeral sobre procedemento administrativo común e o seu regulamento de desenvolvemento.



3.—A atribución para o exercicio da potestade sancionadora corresponde ao Presidente da Corporación ou ao Organo en quen delegue.

### ARTIGO 19.—RESPONSABLES

Son responsables das infraccións cometidas contra esta Ordenanza os que figuren como titulares da licenza de instalación da terraza, e en defecto desta, o titular do establecemento ao que dea servizo á mesma.

### ARTICULO 20.—INFRACCIONES

1.—As accións ou omisións que contraveñan o disposto na presente Ordenanza constitúen infraccións á mesma, que se clasifican en leves, graves e moi graves

2.—Son infraccións leves:

- a) Almacenar ou apilar produtos,envases ou residuos na zona de terraza ou en calquer outro lugar da vía pública ou solo público.
- b) O incumprimento de cualquera outra obriga prevista nesta ordenanza que non sexa constitutiva de infracción grave ou moi grave.

3.—Son infraccións graves:

- a) A reiteración de tres infraccións leves nun mesmo periodo de autorización.
- b) O incumprimento do horario de peche en menos de dúas horas.
- c) A instalación de elementos de mobiliario da terraza non previstos na licenza ou en número maior dos autorizados.
- d) A ocupación de superficie maior á autorizada.
- e) A carencia do seguro obligatorio.
- f) A produción de molestias acreditadas os veciños ou transeúntes, derivadas do funcionamento da instalación.
- g) A instalación de instrumentos ou equipos de audio .
- h) La falta de presentación do documento de licenza e do plano de detaie, aos axentes da autoridade ou funcionarios competentes que o requiran.
- i) O incumprimento da obriga de retirar ou recoller e apilar o mobiliario da terraza, ao remate do seu horario de funcionamento.
- j) A falta de ornato e limpeza nas instalacións e área de influencia.

4.—Son infraccións moi graves:

- a) A comisión de tres infraccións graves nun mesmo periodo de autorización.
- b) A instalación de terrazas sen autorización ou fora do periodo autorizado.
- c) A cesión da explotación da terraza a persoa distinta do titular.
- d) O incumprimento das medidas de restauración da legalidade que se adopten.
- e) A celebración de espectáculos ou actuacións non autorizados de forma expresa.
- f) A negativa ou obstaculización á labor inspectora.
- g) O incumprimento de horario de peche en máis de dúas horas.
- h) A manipulación ou falsedad dos datos ou da documentación aportada, en orde á obtención da correspondente licenza.
- i) O incumprimento da obriga de retirar o toldo, así como o resto do mobiliario, rematado o período de vixencia da licenza.



### ARTIGO 21.—SANCIÓNS

1.—As accións ou omisións que contraveñan o disposto na presente Ordenanza serán sancionadas con multas, cuia contía e graduación se axustará ao establecido nos apartados 2 e 3 do presente ARTIGO, respectivamente.

2.—Contías das multas por infracción da presente Ordenanza:

- Infraccións leves: Multa ata 100,00 €.
- Infraccións graves: Multa de 101,00 € ata 500,00 €.
- Infraccións moi graves: Multa de 501,00 € ata 1.000,00 €.

3.—Para a graduación das respectivas sancións valoraranse conxuntamente as seguintes circunstancias:

- A existencia de intencionalidade ou reiteración.
- A reincidencia, pola comisión no térmo dun ano de máis dunha infracción da mesma natureza, cando así houbese sido declarado por resolución firme.
- A natureza dos perxuizos causados, atendendo en especial ás molestias ou danos inferidos aos veciños.
- O beneficio económico obtido da actividade infractora.

### ARTIGO 22.—INDEMNIZACION DE DANOS E PREXUIZOS.

As responsabilidades administrativas que resulten do procedemento sancionador, serán compatibles coa esixencia ao infractor da reposición da situación a seu estado primitivo, así como coa indemnización por danos e perxuizos causados.

### DISPOSICIÓN DEROGATORIA

Á entrada en vigor desta Ordenanza, quedarán derogadas todas aquelas disposicións das normas de igual ou inferior rango que se oponan, contradigan ou sexan incompatibles cos preceptos da mesma.

### DISPOSICIÓN FINAL.

O presente Regulamento entrará en vigor unha vez sexa aprobado definitivamente e publicado o seu texto íntegro no BOP e trascurra o previsto no artigo 65.2 da Lei 7/1985, de 2 de abril, reguladora das bases do réxime local.

Contra a presente disposición xeral os interesados poderán interpor recurso contencioso-administrativo no prazo de dous meses contados a partir do día seguinte ao da publicación deste anuncio no Boletín Oficial da Provincia ante a Sala do Contencioso-Administrativo do Tribunal Superior de Xustiza de Galicia.

Ponteareas, 21 de setembro de 2012.—O Alcalde, Salvador González Solla.

2012009144

### A N U N C I O

Con data do 15 de marzo de 2012 o Sr. Alcalde desta Corporación aprobou inicialmente o expediente de baixa de exercicios pechados por prescripción. Exponse ao público na Intervención deste Concello, para que no prazo de vinte días hábiles contados dende o día seguinte á data da publicación deste anuncio, os interesados poidan examinar os expedientes e presentar as alegacións que consideren convenientes en aras da defensa dos seus intereses. Transcorrido o devandito prazo e tendo en conta as alegacións presentadas, procederase á aprobación definitiva do expediente de baixa de exercicios pechados por prescripción. O acordo de aprobación definitiva publicarase no Boletín Oficial da Provincia para que sirva de notificación aos interesados.

Ponteareas, a 20 de setembro de 2012.—O Alcalde, Salvador González Solla.

2012009142